

գՔաղկեդոնիս յարգէր եւ գովէր եւ զկրօնս  
 Հայոց քամահրէր. զոր ազդեցին Պետրոս կա-  
 քողիկոսին. եւ նա բազում անգամ խրա-  
 սեալ եւ նա անլուր եղել. զոր յետոյ ի բաց  
 եհան յինեներե եւ նա գնաց յԵրուսաղեմ, եւ  
 ի նոյն տեղին եւս զնոյն առնէր. զՅոյնս գո-  
 վէր եւ զՀայս դարովէր. զի բազումս շփո-  
 քեաց. զի եր վերին երեւակայութեամբն Հայ  
 եւ կրօնաւոր եւ առաքինի. եւ ներքին մար-  
 դովն եւ խորհրդով երկաբնակ եւ Քաղկեդո-  
 նիկ զոր անդ յԵրուսաղեմ ազդեցին զգործս  
 նորա վարդապետի ումեմն Գրիգորի եւ մա-  
 կանունն Բուբ վերաձայնելոյ(\*) եւ նա յԵրու-  
 սաղեմ նզովեալ զնա եւ ի սեղանասեղաց եւ  
 ի ժամասեղաց ախորեալ. զոր յետոյ ի մեջ  
 անկեալ մեզ՝ որդւոցն հաճեցուցին զնա.  
 եւ նա հարկ եղեալ ի վերայ՝ զնալ յԵրու-  
 սաղեմայ եւ այլ զնոյն ոչ առնել: Զոր ել  
 յԵրուսաղեմայ եւ զնոյն գործն ոչ եթող. եւ  
 առեալ զայն բաղադրեալ Մեկնիչն ի ձեռն  
 եւ զբազումս ի պարզամտաց ձգեաց ի շփո-  
 քեալ յաղանդսն յայնոսիկ եւ ի հերձիկ դա-  
 ւանութիւն. զի նա հմուտ էր Քաղկեդոնի  
 կրօնիցն:

---

(\*) Գրիգոր վրդ. Բուբ, Դարանաղցի պատմա-  
 գիրն է. որ իր ժամանակագրութեան մէջ (էջ 392-  
 393) նպաստաւոր կ'արտայայտուի Կիրակոսի մասին,  
 որ Մեծ-Անապատի հիմնադիրներէն մէկն էր: